

Introdusaun

Iha Setembru 2014, Unidade Justisa ba Feto no Labarik (*Women's and Child Justice Unit-WCJU*), kontinua monitoriza kazu violénsia bazeia ba jéneru iha jurisdisaun Tribunál Distritál Dili. Iha edisaun ne'e, sumariza kazu 16 ne'ebé julga iha Tribunál Distritál Dili.

Husi kazu 16 ne'e, kazu 15 involo krime ofensa ba integridade fízika simples ho natureza violénsia doméstika no kazu 1 involo krime abuzu seksuál ba menór. Entre kazu hirak ne'e, kazu 2 mak tribunál kondena ho pena admoestasaun, kazu 9 kondena ho pena prizaun maibé suspendidu, kazu 1 absolve, kazu 1 kondena ho pena prizaun, no kazu 3 seluk sei iha prosesu nia laran.

Tuir mai deskripsaun sumáriu julgamentu ba kazu kompletu:

1. Krime ofensa ba integridade fízika simples ho natureza violénsia doméstika-Nú. Prosesu: 475/2014/TDDIL

Kompozisaun Tribunál	: Juis singular
Juis	: Dr. Duarte Tilman Soares
Ministériu Públiku	: Dra. Benvinda da Costa do Rosario
Defeza	: Dr. Jose da Silva (defensória públiku)
Konkluzau	: Kondena ho pena admoestasaun

Iha 3 Setembru 2014, Tribunál Distritál Dili prejide leitura akordaun no kondena arguidu JdR tanba komete krime violénsia doméstika hasoru nia feen, iha Distritu Dili.

Ministériu Públiku akuza katak iha 24 Juñu 2013, arguidu atu ba lori taxi. Maibe vítima husu atu arguidu kous lai labarik ne'ebé mak tanis. Tanba ne'e arguidu basa dala ida iha lezada nia hasan no tuku iha ulun parte karuk. Aktu ne'e rezulta kanek iha lezada nia ulun. Kazu ne'e, akontese tanba lezada sempre haruka hela deit arguidu hein labarik antes ba lori taxi.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fízika simples konjuga ho artigu 35 Lei Kontra Violénsia Doméstika.

Iha tribunál, arguidu konfesa integralmente ba faktus husi akuzasaun, hatudu nia arependementu no deklara katak ho lezada di'ak malu ona. Lezada haktuir katak sira di'ak malu ona no to'o agora arguidu la repete nia hahalok ne'e hasoru lezada.

Iha alegasaun finál, ministériu públiku haktuir katak arguidu provadu komete krime violénsia doméstika hasoru lezada, tanba ne'e husu ba tribunál kondena arguidu ho pena prizaun tinan 3 suspende ba tinan 1.

Defeza husu ba tribunál atu konsidera sirkunstánsia atenuante sira hanesan arguidu kolabora ho tribunál hodi deskobre verdade, hatudu nia arependementu, di'ak malu ona ho lezada no kontinua responsabiliza ba nia familia. Tanba ne'e, husu ba tribunál atu kondena arguidu ho pena ne'ebé labele limita arguidu nia liberdade.

Depoide avalia faktus provadu sira ne'ebé mak produs durante julgamentu, tribunál konklui prosesu ne'e no kondena arguidu ho pena admoestasaun.

2. Krime ofensa ba integridade fízika simples ho natureza violénsia doméstika - Nú. Prosesu: 319/2014/TDDIL

Kompozisaun Tribunál : Juis singular
Juis : Dra. Jacinta Correia
Ministériu Públiku : Dra. Gloria Alves
Defeza : Dr. Sebastião Amado (defensória públiku)
Konkluzan : Kondena arguidu ho pena prizaun tinan 1 suspende ba tinan 2

Iha 10 Setembru 2014, Tribunál Distritál Dili prejide leitura akordaun ba arguidu GC ne'ebé komete krime violénsia doméstika hasoru nia feen, iha Distritu Dili.

Ministériu Públiku akuza katak iha 26 Dezembru 2013, maizumenus tuku 7 kalan, mosu diskute malu entre arguidu ho lezada, ho nune'e arguidu tuku dala rua iha lezada nia kotuk laran no kabun, arguidu mós dehan, diak liu o sai ba buka osan hodi selu o nia eskolah. Motivu husi akontesimentu ne'e tanba arguidu sempre sai kalan, no lezada hirus hela deit.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fízika simples konjuga ho artigu 35 Lei Kontra Violénsia Doméstika.

Iha tribunál, arguidu konfesa integralmente ba faktu sira iha akuzasaun, hatudu nia arependementu no deklara katak ho lezada di'ak malu ona. Lezada mós konfirma katak sira di'ak malu ona to'o agora arguidu la repete nia hahalok ne'e. Alende ne'e arguidu mós husu ona diskulpa ba lezada nia inan aman.

Iha alegasaun finál, ministériu públiku husu ba tribunál atu kondena arguidu ho pena prizaun tinan 1 suspende ba tinan 1.

Defeza husu ba tribunál atu konsidera sirkunstánsia atenuante sira hanesan arguidu kolabora ho tribunál hodi deskobre verdade, hatudu nia arependementu, di'ak malu ona ho lezada no kontinua responsabiliza ba nia familia. Tanba ne'e husu ba tribunál atu kondena arguidu ho pena ne'ebé labele limita arguidu nia liberdade.

Depoisde avalia faktus provadus sira ne'ebé produz durante julgamentu, tribunál konklui prosesu ne'e no kondena arguidu ho pena prizaun tinan 1 suspende ba tinan 2, no apresenta an fulan 1 dala 2 iha estasaun polisi ne'ebé besik.

3. Krime ofensa ba integridade física simples ho natureza violência doméstica-Nú. Prosesu: 171/2014/TD Dili

Kompozisaun Tribunál : Juis singular
Juis : Dr. Duarte Tilman Soares
Ministériu Públiku : Dra. Ivonia Guterres
Defeza : Dr. Rui Guterres (defensória públiku)
Konkluzau : Kondena ho pena admoestasau

Iha 4 Setembru 2014, Tribunál Distritál Dili prejide leitura sentensa no kondena arguidu JE ne'ebé komete krime violência doméstica hasoru nia feen, iha Distritu Dili.

Ministériu Públiku akuza katak iha 9 Julu 2013, maizumenus tuku 8 kalan arguidu ho lezada diskute malu, tanba arguidu sempre lanu todan hela deit. Tanba ne'e lezada hirus no husu ba arguidu atu toba tiha iha liur deit. Arguidu nervozu tuku dala ida iha lezada nia ren to'os no basa dala ida iha hasan karuk. Kazu ne'e akontese, tanba arguidu sempre tama kalan ho kondisaun lanu.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade física simples konjuga ho artigu 35 Lei Kontra Violência Doméstica.

Iha tribunál, arguidu konfesa integralmente ba faktus sira iha akuzasaun, hatudu nia arependementu no deklara katak ho lezada di'ak malu ona. Nune'e mós lezada haktuir katak sira di'ak malu ona to'o agora arguidu la repete nia hahalok ne'e hasoru lezada.

Iha alegasaun finál, ministériu públiku haktuir katak arguidu provadu komete krime violência doméstica hasoru lezada, tanba ne'e husu ba tribunál kondena arguidu ho pena prizaun tinan 1 suspende ba fulan 6.

Defeza husu ba tribunál atu konsidera sirkunstánsia atenuante sira hanesan arguidu kolabora ho tribunál, arepende, di'ak malu ona ho lezada no kontinua responsabiliza ba nia familia. Tanba ne'e, husu ba tribunál atu kondena arguidu ho pena ne'ebé labele limita arguidu nia liberdade.

Depoisde avalia faktus provadu sira ne'ebé mak produz durante julgamentu, tribunál konklui prosesu ne'e no kondena arguidu ho pena admoestasau.

4. Krime ofensa ba integridade física simples ho natureza violência doméstica-Nú. Prosesu: 288/2014/TD Dili

Kompozisaun Tribunál : Juis singular

Juis : Dra. Jacinta Correia
Ministériu Públiku : Dr. Hipolito Santa
Defeza : Dr. Manuel Sarmiento (defensória públiku)
Konkluzau : Kondena ho pena prizaun fulan 6 suspende ba tinan 1.

Iha 19 Setembru 2014, Tribunál Distritál Dili prejide leitura akordaun no kondena arguida Ad ne`ebé komete krime violénsia doméstika hasoru nia laen, iha Distritu Dili.

Ministériu Públiku akuza katak iha 30 Marsu 2013, maizumenus tuku 3 madrugada, lezadu RN ne'ebé ho lanu todan tuir dalan besik uma komesa tolok, no hasai liafuan ne'ebé ladiak hasoru nia oan no feen. Tanba ne'e, arguida loka odamatan dehan ba lezadu katak diak liu lanu toba deit ona, maibe arguidu nafatin hasai liafuan ne`ebé ladiak, tanba ne`e mak arguida hodi lori aimanas kose ba lezadu nia matan no lori ai supila baku iha lezadu nia ain to'o lezadu monu ba rai. Kazu ne'e akontese tanba lezadu sempre lanu no hasai liafuan ladiak hasoru nia oan ho ferik oan.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fízika simples konjuga ho artigu 35 Lei Kontra Violénsia Doméstika.

Durante prosesu julgamentu arguida deklarata katak, faktus iha akuzasaun ne'e balu loos no balu la loos. Faktu ne'ebé la loos mak lezadu mak permeiru uza supila baku uluk arguida to monu ba rai, arguida hamrik no lori aimanas kose ba lezadu nia matan.

Iha kazu ne'e testemuña (arguida no lezadu nia ona) lakohi fo'o nia dopoimentu. Konsidera katak kazu ne'e iha kontradiksaun tribunál halo akareasaun entre arguida ho lezadu. Mesmu nune'e iha akareasaun ne`e ida -idak nafatin mantein ninia pozisaun.

Iha alegasaun finál, ministériu públiku haktuir katak arguida provadu komete krime violénsia doméstika hasoru lezadu. Tanba ne'e, ministériu públiku mantein ho akuzasaun bazea ba faktus no deklarasaun iha akareasaun.

Defeza husu ba tribunál atu konsidera sirkunstánsia atenuante sira hanesan lezadu mak lanu tolok no sempre hasai liafuan at hasoru nia oan ho nia feen. Tuir loloos iha kazu ne'e arguida mak sai vítima maibe pelo kontrariu. Tanba tuir deklarasaun arguida katak lezadu mak baku uluk arguida uza supila. Tanba ne'e husu ba tribunál atu absolve arguida husi kazu ne'e.

Depoide avalia faktus provadu sira ne`ebé mak produs durante julgamentu, tribunál konklui prosesu ne`e no kondena arguida ho pena prizaun fulan 6 suspende ba tinan 1.

5. Krime ofensa ba integridade fízika simples ho natureza violénsia doméstika-Nú. Prosesu: 496/2014/TD Dili

Kompozisaun Tribunál : Juis singular
Juis : Dra. Jacinta Correia
Ministériu Públiku : Dra. Ivonia Guterres
Defeza : Dr. Sebastião Amado (defensória públiku)

Konkluzauñ : Kondena arguidu ho pena prizaun tinan 2 suspende ba tinan 1

Iha 16 Setembru 2014, Tribunál Distritál Dili prejide leitura sentensa no kondena arguidu FF tanba provadu komete krime violénsia doméstika hasoru nia feen, iha Distritu Dili.

Ministériu Públiku akuza katak maiszumenus iha Agostu 2013 nia laran, iha tuku 8 kalan, lezada husu osan salariu fulan 5 nian ba arguidu no arguidu hatan katak osan sira ne'e balu selu ona ba sasan ne'ebé lakon, balu uza hodi hadia motor ne'ebé a'at. Tanba ne'e, lezada hirus no tolok arguidu ho nune`e arguidu basa dala ida iha hasan no tuku iha lezada nia ibun.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fízika simples konjuga ho artigu 35 Lei Kontra Violénsia Doméstika.

Iha tribunál, arguidu hili direitu nonok. Enkuantu lezada deklara katak, faktus iha akuzasaun ne'e loos hotu. Mesmu nune`e sira diak malu ona no to'o agora arguidu la repete nia hahalok ne'e hasoru vítima.

Iha alegasaun finál, ministériu públiku konfirma katak arguidu provadu komete krime violénsia doméstika hasoru lezada. Konsidera katak krime violénsia doméstika mak krime ne'ebé as, atu halo prevensaun jerál iha komunidadade, husu ba tribunál kondena arguidu ho pena prizaun fulan 6 suspende ba tinan 1.

Defeza husu ba tribunál atu konsidera arguidu di'ak malu ona ho lezada no kontinua responsabiliza ba nia familia. Tanba ne'e husu ba tribunál atu kondena arguidu ho pena ne'ebé labele limita arguidu nia liberdade.

Depoide avalia faktus provadus sira ne'ebé mak produs durante julgamentu, tribunál konklui prosesu ne'e no kondena arguidu ho pena prizaun fulan 2 suspende ba tinan 1.

6. Krime abuzu seksuál ba menór -Nú. Prosesu: 560/2014/TD Dili

Kompozisaun Tribunál : Juis Kolektivu
Juis : Dr. Julio Gantes (reprezenta juiz kolektivu)
Ministériu Públiku : Dr. Felismino Cardoso
Defeza : Dr. Manuel Sarmiento (defensória públiku)
Konkluzauñ : Kondena arguidu ho pena prizaun

Iha 22 Setembru 2014, Tribunál Distritál Dili prezide leitura akordaun no kondena arguidu IS ne'ebé komete krime abuzu seksuál ba menór ho natureza inestu, iha Distritu Dili.

Ministériu Públiku akuza katak arguidu ne'ebé nu'udar lezada nia padrastu obriga lezada kaer no kose nia orgaun sensitivu ba iha lezada nia orgaun seksuál. Kazu ne'e akontese hahu tinan 2013 to'o 6 Maio 2014, no arguidu komete aktu ne'e dala lima ona hasoru lezada. Iha akontesimentu ne'e lezada sei iha idade tinan 13.

Ministériu Públiku akuza arguidu kontra artigu 177 kona-ba abuzu seksuál ba menór ho artigu 182 alinea (d) kona-ba agravasaun nomos artigu 35 kona-ba krime iha konkursu tuir Kódigu Penál konjuga ho artigu 2 no 35 alinea (b) Lei Kontra Violénsia Doméstika.

Tribunál konsidera faktu hotu provadu, bazeia ba konfisaun arguidu, depoimentu lezada no relatóriu mediku.

Tribunál halo kumulasaun juridiku husi krime ida-idak iha konkursu ne'ebé arguidu komete dala lima hasoru lezada ho kondenasau kada krime tinan 7 prizaun. Tribunál mós hare ba medida koasaun ne'ebé durante ne'e aplika ba arguidu iha prizaun preventiva. Ho sirkunstánsia ne'ebé haleu krime ne'e, tribunál konklui pena unika no kondena arguidu ho pena prizaun tinan 14.

7. Krime ofensa ba integridade física simples ho natureza violénsia doméstika-Nú. Prosesu: 51/2014/TD Dili

Kompozisaun Tribunál : Juis singular
Juis : Dr. Antoninho Gonsalves
Ministériu Públiku : Dra. Benvinda do Rosario
Defeza : Dr. Cansio Xavier (defensória públiku)
Konkluzau : Kondena arguidu ho pena prizaun fulan 7 suspende ba tinan 2.

Iha 26 Setembru 2014, Tribunál Distritál Dili prejide leitura sentensa no kondena arguidu NdS tanba komete krime violénsia doméstik hasoru nia feen, iha Distritu Dili.

Ministériu Públiku akuza katak iha 14 Jullu 2010, maizumenus iha tuku 8 kalan, arguidu atu ba toba maibe iha kama leten mesak rai henek deit. Arguidu nervozu tolok lezada, basa lezada dala rua iha hasan, no tuku iha kotuk laran. Motivu husi akontesimentu ne'e tanba bainhira arguidu hamos kama rai rahun tama nia matan.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade física simples konjuga ho artigu 35 Lei Kontra Violénsia Doméstika.

Iha tribunál, arguidu konfesa integralmente ba faktus husi akuzasaun, hatudu nia arependementu no deklara katak ho lezada di'ak malu ona. Lezada haktuir katak sira di'ak malu ona to'o agora arguidu la repete nia hahalok ne'e hasoru lezada.

Iha alegasaun finál, ministériu públiku haktuir katak arguidu provadu komete krime violénsia doméstika hasoru lezada, tanba ne'e husu ba tribunál kondena arguidu ho pena prizaun fulan 6 suspende ba tinan 1.

Defeza husu ba tribunál atu konsidera sirkunstánsia atenuante sira hanesan arguidu kolabora ho tribunál hodi deskobre verdade, hatudu nia arependementu, di'ak malu ona ho lezada no responsabiliza familia. Tanba ne'e husu ba tribunál atu kondena arguidu ho pena ne'ebé labele limita arguidu nia liberdade.

Depoisde avalia faktus provadus sira ne'ebé mak produs durante julgamentu,tribunál konklui prosesu ne'e no kondena arguidu ho pena prizaun fulan 7 suspende ba tinan 2.

8. Krime ofensa ba integridade física simples ho natureza violéncia doméstika-Nú. Prosesu: 430/2014/TD Dili

Kompozisaun Tribunál : Juis singular
Juis : Dr. José maria de araujo
Ministériu Públiku : Dr. Hipolito Santa
Defeza : Dr.Zil Amaral (Advogadu Privadu)
Konkluzau : Sei kontinua prosesu

Iha 23 Setembru 2014, Tribunál Distritál Dili, julga arguidu NG ne'ebé komete krime violéncia doméstika hasoru nia feen, iha Distritu Dili.

Ministériu Públiku akuza katak iha 29 Marsu 2014, maizumenus tuku 9 kalan, arguidu ho lezada tanba arguidu diskuti malu atu lori kareta sai ba enkontru ho familia. Ho hirus arguidu sai besik ba portaun, hodi foti besi baku iha lezada niaulun halo lezada monu ba rai.

Ministériu Públiku akuza arguidu kontra artigu 145 Kódigu Penál kona-ba ofensa ba integridade física simples konjuga ho artigu 35 Lei Kontra Violéncia Doméstika.

Iha tribunál, arguidu konfesa no deklara katak faktus sira iha akuzasaun ne'e balu loos balu la loos. Faktus ne'ebé loos mak arguidu la uza besi baku lezada, maibe nia hisik liman mak besi kona iha lezada niaulun. Arguidu mós la kontinua baku lezada wainhira monu ba rai.

Tuir deklarasaun husi lezada katak, arguidu iha ona feen kiik, tanba ne'e sira sempre diskuti malu. Lezada mós deklara katak faktus iha akuzasaun ne'e loos hotu.

Tanbá arguidu ho vítima nia deklarasaun la hanesan tribunál sei rona tan testemuña NT ne'ebé iha momentu ne'eba iha fatin akontesementu.

Depoisde rona tiha deklarasaun husi arguidu nomos lezada, tribunál adia julgamentu hodi rona testemuña iha dia 14 Outubru 2014, tuku 3 lokraik.

9. Krime ofensa ba integridade física simples ho natureza violéncia doméstika- Nú. Prosesu: 485/2014/TDDIL

Kompozisaun Tribunál : Juis singular
Juis : Dra. Francisca Martins Cabral
Ministériu Públiku : Dr. Jose Elo, substitui husi Dra. Benvinda da Costa
Defeza : Dr. Albino de Jesus Pereira (Formadu husi defensoria pública)
Konkluzau : Kondena arguidu ho pena prizaun tinan 1 suspende ba tinan 3.

Iha 9 Setembru 2014, Tribunál Distritál Dili kondena arguidu MA ne`ebé komete krime violénsia doméstika hasoru nia feen, iha Distritu Dili.

Ministériu Públiku akuza katak iha 20 Novembru 2010, arguidu ameasa no tuku iha lezada nia kotuk laran dala ida no basa iha hasan dala ida. Agresaun ne`e rezulta lezada nia kotuk moras. Kazu ne`e akontese tanba lezada ho arguidu la intende malu iha diskusaun kona-ba osan 0.50 sentavus.

Ministériu Públiku akuza arguidu kontra artigu 145 Kódigu Penál kona-ba ofensa ba integridade fízika simples konjuga ho artigu 3 no 35 Lei Kontra Violénsia Doméstika.

Antes julgamentu produsaun de-prova, tribunál esplika ba lezada kona-ba krime ameasa la konstitui nu`udar krime publiku. Iha audiénsia lezada deziste kazu ne`e. Tanba ne`e ministériu públiku no defeza husu omologa.

Relasaun ho krime ofensa ba integridade fízika simples ho natureza violénsia doméstika, iha julgamentu arguidu konfesa integralmente ba faktus husi akuzasaun no kontinua konfirma liutan hosi depoimentu lezada.

Iha alegasaun finál, ministériu públiku konsidera faktus provadu tuir konfisaun arguidu. Atu evita krime violénsia doméstika iha futuru no garante prevensaun jerál iha comunidade, ministériu públiku husu atu kondena arguidu ho pena multa US\$60.00.

Defeza husu ba tribunál atu aplika pena ne`ebé kmaan tanba arguidu konfesa no foin primeiravez komete krime.

Depoizde avalia faktus provadus sira ne`ebé mak produs durante julgamentu, tribunál konsidera faktus hotu-hotu provadu tuir akuzasaun no konfirmasaun lezada nune`e tribunál konklui prosesu ne`e no kondena arguidu ho pena prizaun tinan 1 suspende ba tinan 3.

10.Krime ofensa ba integridade fízika simples ho natureza violénsia doméstika -Nú. Prosesu: 328/2014/TDD

Kompozisaun Tribunál : Juis singular
Juis : Dr. Antonino Gonsalves
Ministériu Públiku : Dra. Ivonia Guterres
Defeza : Dr. Rui Manuel Guterres (defensoria pública)
Konkluzau : Kondena arguidu ho pena prizaun fulan 9 suspende ba tinan 2.

Iha 17 Setembru 2014, Tribunál Distritál Dili, prezide leitura sentensa ba krime violénsia doméstika ne`ebé komete husi arguidu JdC hasoru nia feen, iha Distritu Dili.

Ministériu Públiku akuza katak iha 17 Marsu 2014, arguidu lori telefone tuda iha lezada nia rentos, tebe iha ain tuur, kabun, tuku iha matan fukun okos no basa iha lezada nia inus. Aktu ne`e

kauza lezada hetan bubu no moras. Kazu ne'e akontese tanba lezada diskunfia arguidu ho fetu seluk.

Ministériu Públiku akuza arguidu kontra artigu 145 Kódigu Penál kona-bá ofensa ba integridade fizika simples, konjuga ho artigu 35 Lei Kontra Violénsia Doméstika.

Bazeia ba prosesu sira ne'ebé hala'o tiha ona antes no depoisde avalia faktus provadus sira ne'ebé mak produs durante julgamentu, tribunál konklui prosesu ne'e no kondena arguidu ho pena prizaun fulan 9 suspende ba tinan 2, selu mós kusta judisiáriu US\$30.00

11.Krime ofensa ba integridade fizika simples ho natureza violénsia doméstika -Nú. Prosesu: 21/2014/TDD.

Kompozisaun Tribunál	: Juis singular
Juis	: Dra. Ana Paula Fonseca
Ministériu Públiku	: Dra. Gloria Alves
Defeza	: Dr. Sergio Quintas (defensória pública)
Konkluzasaun	: Kondena arguidu ho pena prizaun tinan 1 suspende ba tinan 1 fulan 2.

Iha 25 Setembru 2014, Tribunál Distritál Dili, julga arguidu JO ne'ebé komete krime violénsia doméstika hasoru nia feen, iha Distritu Aileu.

Ministériu Públiku akuza katak iha 27 Marsu 2013, arguidu basa dala ida iha lezada nia hasan no kauza lezada hetan moras. Kazu ne'e akontese tanba sira la intendemalu iha diskusaun kona-bá nomor foun ne'ebé sms tama iha lezada nia telefone.

Ministériu Públiku akuza arguidu kontra artigu 145 Kódigu Penál kona-bá ofensa ba integridade fizika simples, konjuga ho artigu 35 Lei Kontra Violénsia Doméstika.

Iha tribunál, arguidu deklarata katak kona-bá faktus sira ne'e los hotu, arguidu mós arepende ba nia hahalok no promete sei la komete tan krime hanesan hasoru lezada iha futuru.

Iha alegasaun finál, ministériu públiku hare katak arguidu konfesa faktu sira no husu ba tribunál atu aplika pena prizaun maibé suspende.

Defeza katak arguidu konfesa no hatudu nia arependimentu, tanba ne'e husu ba tribunál atu aplika pena ne'ebé justu no adekua ba arguidu.

Depoisde avalia faktus provadus sira ne'ebé mak produs durante julgamentu, tribunál konklui prosesu ne'e no kondena arguidu ho pena prizaun tinan 1 suspende ba tinan 1 fulan 2.

**12. Krime ofensa ba integridade fízika simples ho natureza violénsia doméstika -Nú.
Prosesu: 229/2014/TDD**

Kompozisaun Tribunál : Juis singular
Juis : Dr. Antonino Gonsalves
Ministériu Públiku : Dr. Nelson de Carvalho
Defeza : Dra. Laura Lay substitui husi Dr. Titu Maia dos Reis (advogado
privadu)
Konkluzasaun : Kondena arguidu ho pena prizaun tinan 1 suspende ba tinan 2

Iha 16 Setembru 2014, Tribunál Distritál Dili, lee leitura sentensa ba krime violénsia doméstika ne'ebé komete husi arguidu JM hasoru nia feen, iha Distritu Dili.

Ministériu Públiku akuza katak iha 30 Novembru 2012, arguidu basa iha lezada nia hasan tanba sira diskute malu kona-ba labarik ne'ebé tanis.

Ministériu Públiku akuza arguidu kontra artigu 145 Kódigu Penál kona-bá krime ofensa ba integridade fízika simples, konjuga ho artigu 35 Lei Kontra Violénsia Doméstika.

Depoide avalia faktus provadus sira ne'ebé mak produs durante julgamentu, tribunál konklui prosesu ne'e no kondena arguidu ho pena prizaun tinan 1 suspende ba tinan 2.

**13. Krime ofensa ba integridade fízika simples ho natureza violénsia doméstika - Nú.
Prosesu 504/14.TDDIL**

Kompazisaun Tribunál : Juis singular
Juis : Dra. Jacinta Correia da Costa
Ministériu Públiku : Dra. Benvinda da Costa do Rosario
Defeza : Dr. Sebastião Amado (defensoria pública)
Konkluzaan : Absolve

Iha 4 Setembru 2014, Tribunál Distritál Dili prejide julgamentu ba arguidu LJ ne'ebé komete krime violénsia doméstika hasoru nia feen, iha Distritu Dili.

Ministériu Públiku akuza katak iha 8 Novembru 2013, arguidu lanu, ba fakar tiha etu iha ahi-matan no soe saé ahi tukan ba lezada nia leten. Aktu ne'e rezulta lezada nia lipa koak tanbá ahi han.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fízika simples konjuga ho artigu 2,3 no 35 Lei Kontra Violénsia Doméstika.

Iha tribunál, arguidu konfesa integralmente ba faktus husi akuzasaun. Maibe iha depoimentu lezada nian haktuir katak arguidu soe duni ahi tukan ba lezada maibé la kona lezada nia isin.

Iha alegasaun finál, ministériu públiku bazeia ba deklarasaun arguidu no depoimentu lezada nian konsidera katak faktus hotu- hotu provadu. Maske nune'e, tanbá laiha konsekuensia ruma ne'ebé lezada hetan husi aktu ne'e no arguidu komete aktu ne'e tanbá lezada ba deve ema nia osan sem kuñesementu arguidu nian, nune'e, ministériu públiku husu ba tribunál atu absolve arguidu husi kazu ne'e. Alende ne'e, defeza mos konkorda ho alegasaun husi ministériu públiku nia atu absolve arguidu.

Bazeia ba avaliasaun ba parte sira no konsidera katak la iha konsekuensia ruma ne'ebé lezada sofre iha kazu refere, tribunál mos no konkorda ho alegasaun ministériu públiku nian hodi absolve arguidu husi kazu ne'e.

14. Krime ofensa ba integridade fízika simples ho natureza violénsia doméstika - Nú. Prosesu: 199/13.TDDIL

Kompazisaun Tribunál : Juis singular
Juis : Dra. Ana Paula Fonseca
Ministériu Públiku : Dra. Benvinda da Costa do Rosario
Defeza : Dr. Manuel Exposto (defensoria públiku)
Konkluzan : Kondena arguidu ho pena prizaun tinan 1 suspende ba tinan 2.

Iha 8 Setembru 2014, Tribunál Distritál Dili hala'o julgamentu ba arguidu FSS ne'ebé komete krime violénsia doméstika hasoru nia feen, iha Distritu Ermera.

Ministériu públiku akuza katak iha 20 Fevereiru 2013, sein motivu ne'ebé klaru, arguidu tuku dala ida iha lezada nia matan fukun no hodi ai baku iha lezada nia ulun. Aktu ne'e rezulta bubu iha lezada nia ulun no kauza lezada sente oin halai.

Ministériu públiku akuza arguidu kontra artigu 145 Kódigu Penál kona-ba krime ofensa ba integridade fízika simples konjuga ho artigu 2, 3 no 35 Lei Kontra Violénsia Doméstika.

Iha tribunal, arguidu konfesa katak nia tuku no baku lezada tanbá nia deskonfia lezada ba mane seluk. Maibe arguidu arepende ba nia hahalok, diak malu ona ho lezada no promote katak iha sei la repete tan krime hanesan hasoru lezada iha futuru.

Ministériu Públiku husu atu la presija rona tan depoimentu lezada tanbá arguidu konfesa integralmente faktus husi akuzasaun.

Iha alegasaun finál, ministériu públiku konsidera faktus hotu-hotu provadu nune'e husu ba tribunál atu kondena arguidu ho pena prizaun tinan 1 suspende ba tinan 1.

Defeza husu ba tribunál atu konsidera arguidu nia konfisaun, arependementu no diak malu ona ho lezada, nune'e husu ba tribunál atu aplika pena admoestasau.

Tribunál konsidera faktus hotu-hotu provadu tuir konfisaun arguidu nian, arguidu kolabora diak ho tribunál hodi derkobre verdade, arepende ba nia hahalok no diak malu ona ho lezada. Maske nune'e, atu halo prevensaun ba aktu hanesan atu labele akontese tan iha futuru, tribunál konklui prosesu ne'e hodi kondena arguidu ho pena prizaun tinan 1 suspende ba tinan 2.

**15. Krime ofensa ba integridade fízika simples ho natureza violénsia doméstika -Nú.
Prosesu: 436/14.TDDIL**

Kompazisaun Tribunál : Juis singular
Juis : Dra. Francisca Cabral
Ministériu Públiku : Dra. Ivonia Maria Guterres
Defeza : Dr. Cancio Xavier (defensoria públiku)
Konkluzau : Sei kontinua prosesu

Iha 11 Setembru 2014, Tribunál Distritál Dili hala'o julgamentu ba arguidu GHF ne'ebé komete krime violénsia doméstika hasoru nian feen, iha Distritu Dili.

Ministériu públiku akuza katak iha 24 Feveireu 2014, arguidu dudu lezada nia kanuruk tanbá lezada soe piadas ba arguidu nia inan bain-hira arguidu ho nia inan mesak mak han meudia nian no la bolu lezada. Aktu ne'e rezulta sente moras iha lezada nia kanuruk.

Ministériu públiku akuza arguidu kontra artigu 145 Kódigu Penál konabá krime ofensa ba integridade fízika simples konjuga ho artigu 35 Lei Kontra Violénsia Doméstika.

Iha tribunál, arguidu konfesa katak nia dudu lezada tanbá lezada soe piadas ba arguidu nia inan. Maibe arguidu deklara katak nia arepende ona nia hahalok no deklara katak sira diak malu ona.

Nune'e mós lezada konfirma katak arguidu komete duni krime ne'e maibé agora dadaluk sira diak malu ona.

Iha alegasaun finál, ministériu públiku konsidera faktu hotu iha akuzasaun provadu tuir konfisaun arguidu nian. Maske nune'e, konsidera katak arguidu arepende nia hahalok, premeiraves komete krime, tanba ne'e atu halo prevensaun ba krime hanesan atu labele akontese tan iha futuru, husu ba tribunál atu kondena arguidu ho suspensaun ba pena prizaun.

Iha parte seluk, defeza husu ba tribunál atu aplika pena prizaun fulan 6 suspende ba tinan 1.

Depoisde rona tiha alegasaun husi parte sira, tribunál marka fali agenda julgamentu ba leitura sentensa iha 18 Setembru 2014, iha tuku 16:00 lokraik.

16. Krime ofensa ba integridade física simples ho natureza violência doméstica - Nú. Prosesu: 651/14.TDDIL

Kompazisaun Tribunál : Juis singular
Juis : Dra. Jumiaty Freitas
Ministériu Públiku : Dr. Felismino Cardoso
Defeza : Dr. Manuel Exposto (defensoria públiku)
Konkluzau : Sei kontinua prosesu

Iha 29 Setembru 2014, Tribunál Distritál Dili julga arguidu JSSC ne`ebé komete krime violência doméstica hasoru nia feen, iha Distritu Dili.

Ministériu públiku akuza katak iha 17 Dezembru 2012, arguidu no lezada diskuti malu, arguidu buti lezada nia kakorok, soe sa'e ba kama leten no tur iha lezada nia isin no tuku dala barak iha lezada nia isin no tebe iha kotuk laran. Motivu husi akontesimentu ne`e tanbá ema ba sisi osan ne`ebé arguidu deve ba halo lia.

Ministériu Públiku akuza arguidu kontra artigu 145 Kódigu Penál kona-ba ofensa ba integridade física simples konjuga ho artigu 2,3 no 35 Lei Kontra Violência Doméstica.

Iha tribunál, arguidu konfesa faktus hotu husi akuzasaun, deklara katak nia arepende ninia hahalok no arguidu tenta ona dala rua atu dame maibé lezada lakohi nune`e sira hela separadu.

Iha parte seluk, lezada kontinua reforsa faktu sira iha akuzasaun ministériu públiku no haktuir katak arguidu buti lezada nia kakorok, soe sae ba iha kama depois arguidu tuur iha lezada nia isin mak tuku dala barak iha lezada nia isin lolon no tebe dala rua iha lezada nia kotuk laran. Alende ne`e, lezada mós deklara katak depoisde akontesementu ne`e arguidu mós tenta atu oho lezada. Kazu ne`e hetan ona desizaun husi tribunál.

Iha alegasaun finál, ministériu públiku konsidera faktus hotu-hotu iha akuzasaun provadu nune`e husu ba tribunál atu kondena arguidu ho pena prizaun tinan 1 suspende ba tinan 2. Ministériu Públiku mós husu ba tribunál halo komulasaun juridiku ba pena suspensaun bazeia ba artigu 38 Kódigu Penál ba krime rua ne`e no husu atu kondena arguidu ho pena prizaun tinan 5 ka 6.

Entertantu defeza husu ba tribunál atu tetu didiak sirkunstansia arguidu nian no fo justisa ba arguidu.

Depoisode rona tiha alegasaun husi parte sira, tribunál marka fali agenda julgamentu ba leitura sentensa iha 6 Outobru 2014, tuku 15:30 lokraik.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone: 3323883|77295795 Website: www.jsmp.tl

Facebook: www.facebook.com/timorleste.jsmp

Twitter: @JSMPTl